

РЕЦЕПТ ЗА УПРАВЯЊЕ З ФИНАНСИЈАМИ

## ТРОШИЦ, ШПОРОВАЦ И УКЛАДАЦ

Кажде одредзуе способ на хтори жада управяц зоз своіма финансиями, а сигурне же людзе хтори поставяю конкретни цілі (жадам назберац пенєж же бим купел нови телефон, реновирал хижу, за путоване и подобне) и правя плани у согласносци з німа за хижни бюджет, зоз векшим успихом витворюю своіо цілі

Пише: Мартица ТАМАШ

Отим, чи фамелия треба же би плановала своіо приходи и розходи, окреме теди кед пенєжу ест попри пальцу и цо мож зробиц же бизме злєпшали своіо финансийну ситуацию вещей дознаваме од Каролини Гербут ([www.herbutkarolina.com](http://www.herbutkarolina.com)), финансийней и дїловней совитниці и поднїмательки хтора ужива у демистификації финансийох. Закончела основни и мастер студиї на Факултету технїчних наукох Университета у Новим Садзе, напрям „Управяне з подприемством” и ма лиценцу од Народней банки Сербїи за заступане у осигураню. У остатнїх 20 мешацох през обуки и консултации хтори организовала прешло вещей як 500 особи. Председателька е Центра за финансийну едукацию и моцнене ([www.cefin.rs](http://www.cefin.rs)), хтори порушала з колегами пре злєпшане финансийней писменосци, розвой поднїмательства и родней равноправносци. Зоз ЦЕФИН 2018. року организовали першу Source Hub Бизнес академию за жени (будуци) поднїмательки. Од 2008. року як директорка меняльнїох „Exclusive Change”, була задлужена за дїловане цалей компаниї, отворела вещей як 30 меняльнї, водзела фирму хтора ма вещей як 75 занятых и у 2017. року витворела нето приход од вещей як 370 000 еври. Председателька Здружена менячох Сербїи була у периодзе од 2013 – 2018. рок.

– Финансийни план не компликоване направяц, едноставно задаче себе як розпоредзице приманя и трошки за дати мешац, так же би вам на концу мешаца остала одредзена сума хтору будзеце видвойовац за поставени цілі. За приманя одредзце кельо найменей заробце, а трошки розподзельце до вещей главних группох (режийни трошки, пожива, брига о дзецех, гориво за превоз и подобне) и за каждую од тих группох трошкох одредзце кельо максимално потрошице. План треба же би бул реални, але и мотивуюци. Розуми ше же каждая особа не витвори каждого мешаца 100 одсто тото цо зарисоване, але кед ше дакому потраз не удало ніч зашпоровац, а по плану требал би зашпо-

ровац мешачно 5 000 динари, и кед зашпорує 3 000 динари, тота особа посцигла красни резултати у одношеню на шпороване скорей и то найважнейше! – гутори Каролина Гербут.

### ЗМЕНШАЦ ТРОШКИ И ЗЕКШАЦ ПРИХОДИ

Приходи и трошки не вше легко усоглашиц, а окреме не легко зменшац трошки, а зекшац приходи.

– Вше легкойше почац зоз зменшаньом трошкох, бо трошки директно од нас завиша. Важне лем же бизме були гу себе шири – чи при даедней групи трошкох можеме зменшац трошки. Розуми ше же ест сподня граница спод хторей трошки не мож зменшац и тота граница завиши од особи до особи, од фамелиї по фамелию, на хтори способ жию и хтори їх потреби. Кед же не мож зменшац трошки, вец єдина опция зекшац заробок – гутори Гербутова.



Каролини Гербут

Вона толкує же барз важне же би каждая особа або фамелия випровадзела кельо и на цо троши, же би сами преценели чи ест дагдзе простору за шпороване. Кед ше дома вари едзене и е, место же би ше вонка куповало, мож куповац половни ствари, место нових, провериц чи хаснуєме пакети за интернет и телефонску предплату векши як нам треба. Ест вельо дробнїци хтори тиж можу впливовац на бюджет, од виключованя електричних пошореньох, по тото же бизме место власного авта хасновали явни превоз. Кед идземе на авту, же бизме напредок виплановали дзе маме пойсц (цо значи и лепша организация часу) у єдним кругу же бизме не мушели исц вещей раз... Далей то куповане артиклох на акційох, а кед купуєме лем по лістини за куповане хтору зме направели, же бизме не куповали дацо лем прето же є на акцій, а можебуц нам не треба. Кед спатрїме цо нам не треба, увидзиме дзе можеме зашпоровац.

### ЛЕПШЕ ОРГАНИЗОВАНЕ И НОВИ ЗАРОБОК ЗЛЄПШУЮ БУДЖЕТ

– Додатна работа, укладане до едукації же бизме достали знаня и схопносци хтори допринешу же бизме гледали векшу плацу, же бизме напредовали у работи або нашли другу, лепше плацену роботу, можу принєсц лепши бюджет. Можеме попредац ствари хтори не хаснуєме, хто садзи до загради рошлїни, або прави даяки продукти, може то попредац, кед маме нерухомосц у хторей ест хижнї хтори не хаснуєце, можеце роздумовац о выдаваню... Поопатрайце коло себе прецо з вами людзе найчастейше контактую, цо од вас гледаю да им поможеце и чи бисце то могли дзвигнуц на висши уровень и наплацовац другим тоту услугу – гутори Каролина Гербут.

Жени часто иду куповац и так вони „розполагаю з пенєжом”, але питане чи вони маю стварни вплив и шлебоду трошиц на гевто цо сами жадаю, насампредз свой пенєж. Познате же коло 60 одсто жени робя работи за хтори су не плацени, бо попри роботох и старосци о обисцу и дзецех, на жени пада найчастейше и допатране старих и хорих членох фамелиї.

– Вшелїяк же и жена и хлоп треба же би мали шлебоду розполагац зоз своім пенєжом так як жадаю, и важне же би ше у фамелиї бешедовало о финансийох, о розподзельваню работох, бо жена часто и кед не зарбяя и кед меней зарбяя од других членох фамелиї, ей работа у обисцу неплацена и кед би ше шицко вираховало, найчастейше приходзиме по цифру хтора превозиходзи приманя других членох фамелиї – гутори Каролина Гербут.

Вона гвари же дзецом, уж у возросту од 6 роки и старшим, треба потолковац сущносц пенєжу хтори доставаю на трошене и потолковац им же за даедни цілі треба назберац пенєжи, бо не мож потребни пенєж мац нараз. Дзецом треба потолковац и же ше найчастейше не може виполнїц каждая жадане нараз, ше муши правиц приоритети, цо перше мож купиц. Так вони сами науча правиц приоритети и науча розпоредзовац свой пенєж, бо пенєж достаню не лем од родичох, але и од баби и дїда. Добре кед школа организує дзєцински „базар-пїяц” на хторим ше предава и купує половни бависка и кнїжки. А кед го нет, у школи мож и родичи вимагац най школа поруша таку акцию на хторей би дзєци могли тарговац зоз своіма бависками.

### ПЕНЄЖ ПОШЛЇДОК, А НЄ ПРИЧИНА ЖИВОТА

Йован Югас Юле зоз Коцура, власнїк Меняльнї „Москва” у Вербаше, у швецє финансийох од 1992. року, кратши час тарговал з девизами у Новим Садзе и у Београдзе и пошвидко ше врацел до Коцура и, як гвари, задовольни є. У медзичаше, еден час мал каміони, робел як превожнїк, а занїмал ше и з тарговину.

– Пенєж важни же бизме го мали за функционоване, а далей шицко вибор, хто як сце жиц. Особне мне пенєж лем пошлїдок мойого живота. Скорей ми бул на першим месце у живоце, а тєраз го видзим лем як средство, енергию, хтора завиши од наших одношеньох... Хтори пенєж мой, лем тот хтори сом потрошел. Складане пенєжу знак несигурносци и страху од будучносци, и каждая ма свою границу кельо му потребне зашпровац же би ше чувствовал сигурно. Ясне же пенєж важни и же человек не може буц щєслїви кед му виключа струю – гутори Югас.

Як дахто цо каждый дзєнь роби з пенєжом, Югас гвари же ше у остатнїх двох рокох попри евра, за динари чера и други валути, зоз Шведскей, Норвежскей, Данскей, Австралїи, Нового Зеланду, а то значи же ше нашо людзе розишли по цалим швецє.

– Теди, 70-рокох нашо людзе одходзели и дзєкуюци им прежили зме 90-ти роки, а тєраз нови генерациї пошли до



### НЄ ТРЕБА КЛАСЦ ШИЦКИ ВАЙЦА ДО ЄДНЕЙ КОШАРКИ

Остатнї рок, рок и пол, вещей ше уклада до кварталох, ище вше атрактивна польопривредна жем, але не на тельо як цо кварталї, не так є гледана як предходних рокох. Єден час пре страх же скоча цени польопривредней жемї кед войдземе до Европскей униї впливовали же ше баржей куповало жем. Медзитим, треба мац на розуме же у региону, у суседних жемох, членїцох ЕУ, жем туньша як у нас и же ту, у околїску, наша жем найдрагша.

– Нє любим совитовац, дзе треба трошиц пенєжи, людзе тримаю пенєж у банкох на чувано баржей пре безпечносци, як пре даяки заробок, бо камати барз нїзки, а кед сцеме мац нїзки камати на кредит, вец маме и нїзки камати на шпороване. Але, ми маме присловку же не треба шицки вайца тримац у єдней кошарки, та так и фамелия кед ма пенєжи, лепше же би го уклала до рижних обласцох, або до того до чого ше найбаржей розумя, у чим су найфаховши, та вец то будзе и найлєпше рїшенє – гутори Югас.

швета заробиц. Мило ми кед видзим наших младих людзох хтори ше враца з иножемства з пенєжом и ту сполною своіо животни плани. Ягод же ше пременели, дїйствую сигунейше, ягот же маю вещей самодовиря, и мило ми з такима людзми побуц и видзиц же су задовольни, же можу витвориц своіо плани и же маю вельки вплив на свой власни живот. Найчастейше людзе укладаю до нерухомосцох, кварталєцох, жемї. Боїм ше же у Вербаше о пар роки не будзе хто дзєци витримовац хтори ше школує. Але добре же ше зявел тренд роснуца плацох и у Вербаше, пре недостаток роботней моци, та озда то будзе мотив за младих же би ту робели – гвари Югас.

Очиглядне же папєрови пенєж виходзи зоз хаснованя, то и у Америци и у Европи найчастейше ше плаци зоз карточку.

– Мало треба и електронски пенєж вицишнє папєрови пенєж, а вируютно пошвидко їх место завежно криптовалуту, або таки способ плаценя хтори у истей хвилки и єдинствени за цалу планету. Розвой не мож застановиц, треба ше порихтац, прилапиц пременки и исц напредок – гутори Йован Югас.

Меняльня „Москва” фамелийна фирма, ведно робя Йован и його супруга Хелена, хтора гвари же муштерїи найчастейше гуторя же кед маю даеден евро у бутелару, меней потроша, а кед маю динари, раз два их потроша, та велїм черане до еврох и способ шпорованя и чуваня резервного пенєжу. ■



Йован Югас

